

ՄԱՍՆ ԵՐՐՈՐԴ

ԲԱԳՈՒ

V

Յերես 5.—Հին պատմաբանները ոչինչ չեն ասում Բագուայ մասին և դորա համար ես թույլ եմ տալիս ինձ ենթադրելու, որ Բագուն այդ ժամանակ գոյութիւն չունէր¹⁾ զուցէ հին ժամանակները Բագուայ տեղում գտնուում էր մի որ և է քաղաք. միայն ուրիշ անունով. այդ ենթադրութիւնը միայն այն դէպքում հիմնաւոր է, եթէ ծովի ափը հին ժամանակը նոյնը լինէր, ինչ որ հիմա է։ Որովհետեւ Բագուայ նաւահանգստի ցամաքային լաւաբերութեան հեշտութիւնները անշուշտ պէտք է ժողովրդին գրաւէին դէպի այդ կողմերը։ Այդ դէպքում աւելի հաւանականութիւն են ստանում նոցա ենթադրութիւնները, որոնք Բագուն հաշուում են հին զետարը կամ քարուկը, մինչեւ անգամ նոյն իսկ Ալբանը²⁾։

Յայտնի չէ, թէ մի որ և է բնակչութիւն Բագուում եղել է թէ ոչ՝ Սասանիդների տիրապետութեան ժամանակ. պէտք է ենթադրել որ տեղական օգուտները չէին կարող անարդիւնաւէտ մնալ այն ժամանակ, երբ քաղաքացիական իրաւունքը այդ չափ զարգացել էր Սասանացոյ թագաւորութեան ժամանակ, ինչպէս էլ չլինէր, բայց առաջի անտարակուսելի տեղեկութիւնը մենք գտնում ենք արաբացի աշխարհագրերի մօտ։ Մասուգին ասում է Բագուայ և նորա կրակների մասին. միայն մանրամասն չի բացատրում, թէ նորա ժամանակ արդեօք այդ տեղ քաղաք գոյութիւն ունէր թէ ոչ։

Իստախրին նոյնպէս խօսում է միայն Բագուայ նաւթի մասին, բայց Ջաքարեայ Ղազվինցին և միւսները արդէն խօսում են Բագու քաղաքի մասին։ Առանձին մանրամասնութեամբ նկարագ-

¹⁾Մովսէս Խորենացոյ աշխարհագրութեան համաձայն Բագուն յայտնի էր 1500 տարի յառաջ։

²⁾Բագուի անունը ինչպէս ասացի, միշտ Բագու է եղել, 1500 տարուանից սկսած, որ Բագուան կամ Բագաւան բառից է առնուած, և նշանակէ Բագնեաց աւան, կրակադաշտութեան տեղ։